

樓

山

堂

集

樓山堂集第二十一卷

貴池吳應箕著

詩

五言古

立秋

五載屆斯辰風塵悵擾攘今茲肅高居忽復逢秋爽微雨
洗繁林輕颺蕩纖幌庭植相與鮮煩襟亦以盪憩松悅沈
陰撫流弄新響清商未央來積暑漸以往宿志耽墳籍欣
承氣清朗把卷欲忘言散髮酬心賞

初夏齊山示王子兄弟

自注王心睿心介

茲山託梓里相期可自首浪遊古宣州念茲若良友懷深
忽言旋挈侶脩朋酒輕颺散鬱埃朝爽傾新柳背郭信委
紆推攀盞培塿下藉湖波盈沆瀣空靈藪捫橙歷亭際洞
壑勢如誘移暉變雲巒觸趾列戶牖何境不相習一來一
領受舊乘紀泉巖大小九十九靈跡半夷淹窮情莫能剖
造化示明滅山川可無有昧者遵所聞日與躋攀紐嗟我
亦耽奇眺矚良不偶流連片石閒對之孺咏久譬彼賞駿
人意在略北牡吾子許掾徒相與重攜手逃覽極蒼茫蕩
滌塵纓否

雨後咏懷

義辯騁脩途，談炎布塵溽。卉就鬱蒸膚，節就械枯喬。林
無沈陰瓶，秀鮮積綠譬。彼焚岡虐，乃不區石玉。有弁倏興
雲，驅雨洗煥毒。簷際無停注，盈溜漾堦淥。須臾散清霽，涼
颺相委屬。蒼翠發遠岫，縹碧紛綴續。亭午前後分，視昔罔
餘酷。憔悴易爲德，感茲無異局。軒宇豁以敞，曠懷類若觸。
人生審變態，胡乃苦跼促。晞髮試微吟，欣然成麗屬。

自大剡谿望橫山諸峯

自注：谿山在高田之黃山源。

方秋理勝情，窮都展高眺。距今三望舒，清夢猶爲繞。而我
觀茲山，曩遊翻見少。奇秀時復遭，無如此幽宵。天外削不
成，雲中青未了。疑或誰仙人行空，刁窈窕隣壤有九子峯。

卷二十一
二
峯藜老小藉甚胡獨名徒以臨江表俗情鮮特達勝區賚
介絕安知劉南陽中懷非獨矯諒哉金石鏗斯爲得要眇

寄李達丁煜劉斌

世途不可問引覽天宇濶胡以凌霄姿羣然廻秋翻在笈
齊鳳雉同採律玉石我苦歎索居懷人觸幽蹟往訓激澗
繆勞勞徵三益雅誼有同申睽悰無時數日新各屨勉音
塵慰遙積眷言寄鄒吹細縵滿衡席

初秋湖中

注池州城東

城樓強半湖日涉不知倦耳目恣清越探領各以見節候
候又更景物如乘傳寒光洗夏威遠影涵平練短棹信夷

猶極浦欣周徧氣類視所宜誰云樂荒宴

聞江磯水落見石出蔽江

蕭蕭霜氣晶嚴颼吹寒驛有友理淮駕解纜滌江積曩予
嘗泛茲巨濤相埒浩惟時盛夏秋水力與磯逆今也殺其
怒石出胥攢積江流信顛淼歛浪穿罅隙嶙峋狀以千亘
江森交戟偃者若蹲視盡者紛立壁沃以蔽象軀小亦攤
鶴翻舟遭未移瞬對之增浩惜攬勝驚逝波安渡忻挂席
夷險感物情漲涸悵今昔

固始道中見林曲似秋浦道上

于邁忽踰旬每發遵初旭如何歷郭邑蕭然鮮麗矚茲爲

山水遊解纒緩不示疎烟滌叢條明沙漾深曲我思秋浦
秋境會因類觸遠眺極蒼茫塵襟如盪浴遊壯匪倦梁道
險毋難蜀行行顧僕夫前路欣相勗

兩明府詠

有序

梁王兩公先後令吾邑皆以國士相遇後兩公繼
逝予亦屢報罷丁卯歸偶簡舊籍見兩公所評應
制文爲之增悼車過腹痛寓于篇章梁名夢濬順
德人王名榮棠石首人

嶺南梁公來秉道方高素爲今潛聲華好士急詞賦非文
辱深鑒斐然國士遇冰照旣委塵霄姿亦鍛羽感時驚逝

川陳書悲宿露躑躅昂長鳴寧忘市中顧

王侯綰綬時疑是羣真謫爲政厲劓新丁奏民窳卻朝案
無留積夕楊欣莫逆詎知誤一鳴謂勝羣鳥百被禍亦已
徒十年悲抱石山河歎緬邈霄泥深跼踖攬舊腹輪摧城
頭張姑射

得蔣臣書問却寄

日暮城西頭飛雲瞽遠昊我思方鬱盤省書申交道流落
非所悲矜慎各華藻憶昨都市遊豈不抗懷抱一爲鍛羽
分彼此慕幽討黃金鑄平仲紉結賤楚草持此感人多詎
復替音好深山緬烟霧大江阻淼灝安得數晨夕杯酒宣

積懷聞當理 嵇駕庶以徑自掃

同諸從春郊

大造舒羣物 春風被窈窕 端居鮮懽情 結侶恣幽討 碧色
靜如俟 修條輕以嫋 清氣適我襟 好音聒彼鳥 選席佇裕
眠 飛觴吐綿紗 高咏激微風 發聲盪林杪 斐然羣族士 抗
懷躋雲表

出塞 自注時 薄都門

旣出關塞卒 豈不慕封侯 用兵已十載 誰能斬一
自
遼陽失徒聞 聖主憂笳吹 不在邊燔燧 滿郊疇 卽有傳
介子倉卒安所求

廟算未爲失將軍懦且驕兵敗飾虛殺繇來非一朝
今充斥軍乘誰能超穴中不撲鼠况逐焉支遙難可微天
幸身從霍嫖姚

書生能料敵今或非其人天聽一時誤三軍化作燐牛羊
驅婦女匝地含悲辛豈無諸上將雲翔何逡巡使我空荷
戈氣隘不能伸一馳秦軍死千秋難比倫

魯連但一身引義秦師卻微虎三百人能張魯積弱堂堂
天子帥赫赫九軍幕一騎日縱橫我戰何消索纜城召元
戎夜半吞籌畫賂良非虛何敢望俘馘

生別莫哀歎死別莫戲歎從軍十數載戰陣幾人歸士命

不覺重所惜在國威白骨知誰掩而盼寫寒衣

寄羅文止 萬藻

臨川無怕士精修有之子結髮覲徽章惜誦中懷委王風
久沉淪誼譚不再起我嘗聆音歎古人無遠邇山川阻以
長媒拙因弱理願為廬瀑泉瀉入彭蠡水大流不別區赴
海相依止大義嚴雲日神交卑蘭芷谷音豈徒然毋忘天
者使

正月二十日湖中閣上看雪

散步登湖閣寒威入簷聚天地晝冥冥雲水相吞互雪勢
信嵐狂氣盈起濃霧窄堵沒曾景潭鑑失飛鷺高覽亦何

極虛無恍若遇介性親苦嚴脆質恃烝煦安知布青陽蕭
條不易故歲寒未可捐持以貞悰榛

夜夢登太華失路遇老僧問韓昌黎所至處

生平覽圖傳諸嶽交胸襟俗軫日分薄勝情增遐心晦息
方窈窕結縵出華陰曾雲袖吐納踏步抗峯岑對岐苦慄
悵霜瞿感素欽導跡經幽壑窅窅松霧深逶迤絕塵軌縹
緲凌霞林揖僧仰前哲霄徑邈登臨二京垂帶視三峯欣
盍簪雲嶠倏冥漠壁立怖千尋霍然驚一寤晨鐘已發音

與劉伯宗

城

其泛玉鏡潭

味

暮春歷敬亭十年欣寤寐迴車念秋浦勝情日攢至絕壑

稱鏡潭清流瀉蒼翠理棹泝源深澄徹洗心意雲起林與
浮波平天如墜烟雨四時秋物象一朝異右軍爲廣聞康
樂窮高致與子夙風期今昔無殊視願言謝朱明攀躋恣
譎戲覓津有苗裔南陽同子驥

平湖舟中坐月

孤舟今夜坐月色娟娟好四壁生靜觀深宵助幽討紛綸
十日遊感茲恬以掃皎然照太古川雲同不老光遠自他
及氣虛以生顛涼襟起闌惻微風瀉哀擣羣動資晦息羈
人賚遠抱廓然視無際庶以清夢考

西湖贈張天生

玄馮千秋

延年

袁則學

師孔

長雲且千里必以觸石出衆流各翔躍靡不望海至應求
匪二理懷人發長喟夙昔契三子笑言形寤寐祝緘既心
勞誦章亦意委欣當湖上遊析肝以相視長楫罄生平宣
遊淡氣嗜願言各慷慨敦勉昔士義杯酒日相造蕩莽秋
烟寄離合杳難期毋忘聚以類

旅中偶感

豈有世間傑碌碌空爾爲乞交與借知志士羞稱之聖人
有深戒舍龜而觀頤予亦秉氣烈茲言矢不遺一日沈淪
久願然遭未隨中夜起長歎慄烈生遐思顧瞻宇宙間升
墜視所持時哉不可問悠悠安足知綢繆假顏色毋乃受

其嗤餽墮不足惜竈滅可還炊貞素非奇節願以謙自貽

南都社集

皇風開浩蕩大雅奮時興結交陳古義理篤物自應雲起
從膚寸衆流以海承抗志各窈窕舒文信陵憎聚高能動
宿道大不辭憎絃管紛以進觴飛散鬱蒸香路何遶闕金
石無沈升我願敦聖戒利貞久于恒

別姚子雲

元台

韓姬命

如璜

陳士業

弘緒

姚子勾章秀吐氣薄氤氳韓生雅澹才閉戶日雕文往來
陳與吳杯酒何慙慙一朝塌秋翻惜別長江濱涼颼厲霜
夜葉墮空紛紛離獸多悲音高鳥哀違羣矧予敦情好悵

焉襟袂分川原杳無極何以接芳芬人生無常聚應如風
中雲自此慎岐路久暫非所云

時命篇

鳳凰不棲棘而或在其笈騏驥困鹽車康莊不得驅軒車
何駢闐聲利交當塗誰知皇路闕半以馳鄙夫翁仲非不
貴望之守故齋時命不我予毋爲終夜吁

之子

阮大鍼也

之子何縱橫華軒耀通都童奴妖且妍賓客競承趨談笑
有機伏高會逞雄圖昔時旣炫赫恭顯相持扶時易不自
戢意氣益腴臙寂寞道傍士覲面邈羗名節道所貴君

子慎廉隅一朝苟失足高陵蕩若汗所以鵠與蠅趨舍不
同途

答去非

聞禮見贈

我居萬山中懷人滌秋水與子夙心期壤域欣鄰邇前歲
誦徽音頃篋紛盆美以茲勤綢繆稽駕邈焉理積雨動葳
蕤高齋煩倚徙陶陶班尹追敢以驚星史投贈宣情素金
石永相矢

遊頽谷分韻得石字

自我來丹山勝情日攢積有友修朋尊挈侶經尋繹派谷
清風披萬松擁雲宅草樹碧何滋營罔幽以積激蕩生蒙

耳有聲穿崖虢流波迴作潭沈徹洗心魄飛觴錯行次宜
詠賢情適氣類視所宜悠然觸水石

清密閣

相尋池上遊復此水中室臨流地所豐濯纓情亦睚薄暮
微風來潤坐敲蒸失高深曠覽知冥渺靜者得鳥魚匪親
人觴行樂清密

讀周仲馭鑣十四京

天地賦正氣浩然長久生楊魏殺身去中天日月行吾子
秉氣烈慕義心命傾一朝念往事金石發爲鏗子昔曾抗
疏身廢甘退耕存沒豈不異殊事有同情今子何慷慨長

和周仲馭十四哀
今日
除日敵精虞公窮發憤陶公酒避名著述各有託大義古

和周仲馭十四哀

楊忠烈公漣

憶昔甲子年遂獵聚京陌時傳中丞疏讀之推肝魄豈期
激禍機滔天生蛭隙趙高鹿且馴王聖天方劇悲哉陳寶
身鍛煉銷金石貫木骨已糜埋草字成碧嗚呼天聽高寧
念捧遺冊忠臣不恤死要在安宗祏大義爭移官烈風號
窳窳

魏忠節公大中

魏公既通籍十年懷一衣天性好峭潔視轡願無違豈不
歎明哲義激履危機鄭崇死規節王章慘訕譏琅璫骨一
具烈烈生光威予也感獄對淚落不能揮悲哉賢茂才父
子同所歸

周忠介公順昌

道喪善類殃高張讒夫喜吏部千載人脫釣良獨恥魏公
躬就逮慷慨悲不止締婚非急交用以羞檢鄙李膺囊三
木范滂無生理生平冰雪姿蠖螻株一死天地爲震怒風
雷立移徙招魂江上來惻悽滿高望不見彪虎儔駢僂同
羊豕

高公攀龍

梁溪高夫子蹈道本洙泗當其秉憲時搏擊先梟奮一自
鉤黨連爲善無遺類皇甫恥已滌景毅志亦遂傷哉故夫
臣而敢煩獄吏拜表入洪流汨羅榮易簣自古皆有死烈
者罹宦寺趨遊和藥來視茲無異致

萬公燥

郎中抗疏時聖朝驚一鶚誰知鴟吻張白日沸鼎鑊解衣
趨就烹談笑若綽約男兒旣讀書志在辨溝壑得從龍北
遊豈不賢圭爵長安大道傍千載憐孟博節甫安在哉嗟
彼空狐貉

左公光斗周公朝瑞袁公化中顧公大中

師丹爭傳后左公一似之給諫疏叢借御史揚其私烈烈
顧禮部賈彪行自期詎知惟一網伏懼同榜笞擧陶呼已
啼刀背徒蒙歎赤日掩園土白骨紛枝離臣生不負國臣
死何纍纍而我感數公將無善者疑

李公應昇黃公尊素

害氣彌天地共驩橫要津鳴梟豕鸞鳳構杌食麒麟兩賢
危一網五毒歷酸辛仲達青雲氣玉光埋作磷白安凌霄
姿塌翻委泥塵封章長不滅大義炳秋旻而我悲萬古荆
葍久沈淪仇人猶視息中夜腹推輪

周公啓元繆公昌期周公宗建

自我涉吳會中心獨鬱陶逢人說往事深夜起長號肅肅
舊開府冰霜擁一旄太史故駝麟柱後何煎勞正氣麗金
石聯翩牽入牢荆棘豈不茂狐狸坐且舉壯士寧義死烈
火自傾膏流血地常裂騎龍天宇高至今胥水上西風怒
夜濤

劉公鐸

磊落劉知府十年始一麾題詩決西市長夜使人悲秦刑
腹周內漢律意增移悲哉文字劫有道恥言危巍巍九千
歲頌德不自嗤誰能咒詛死風流亦可師

蘇公繼歐丁公學乾夏公之令吳公裕中

瑁瓚非不賢喬固不免死滔滔世已然悲絕諸君子乳贖
既負隅身命一時委梅福去何之長倩勢難已悼今感古
人明詰未易擬二疏匪遭時何能歸鄉里

王公之案

先皇故神武晚孽生親披逐賊勝詭窮而敢撓明辟焚梁
不同時中立古人惜大義諒不移臣罪甘指斥傷心骨已
銷遺警棄廣陌王成不生令絞車空悼惜太宰推厥衷對
之增鳴嗟西州路未遙終爲後死責

趙忠毅公南星

高邑文章傑嚴風被九州司銓有毛玠中外肅清修鴻冥
三十載澤藪未能留一朝翔雲閣黃髮那颺颺弦直道不
易匪夷渙有丘須臾世事變踟躕禦遐陬周宰屏南冠商
師幸繫囚生死義不負欣從楊左遊聞赦一長櫬至今天
地幽

魏茂才學泚

魏子著靈光趨庭樂道素天地候晦冥長夏摧霜霧檻車
不可攀變形伏道路長安揮萬言碎首哀知故臯淚已成
枯縈書不得訴負骨日歸來覆篋絕生趣忠孝本同根君
乃旦暮遇

五人墓

高冠華當路丹轂耀里閭彼美富貴子雲仍刀鋸餘姑蘇
有烈士往往涵市屠短後故要離窮巷守專諸一時奮博
浪寧知劍術疎長嘯就斧鉞賢人同載胥往來虎丘下行
道多躊躇諒哉古死墓生王頭不如

蘇注此吾師未傳之詩也先徵君嘗哀采

揚魏諸公制菽以傳題曰天啓間諸先生作而集諸事實
哀詞附其前周鹿溪先生爲之序忽忽未行世稿本留荷
中近二十年樓山師詩草仍完美如故亟爲錄入集中以
補其闕若壬午癸未兩年之詩散佚多時請俟異日有心
者之攜拾矣

樓山堂集第二十一卷畢

樓山堂集第二十二卷

貴池吳應箕著

詩

五言古

烏龍潭山亭同沈眉生

壽民

涼風起庭際延步入山隅
窈窕竹林深松籟與之俱
空亭瞰潭影幽森生江湖
人烟蔽水曲荷花傾日晡
市塵紛以撥樂此觴行紆
嗟我二三子遊處欣叩須
俯仰寄杯酒永日宣踟躇

竹亭感事

在虎丘

樓山堂集 第二十二卷

玄文方幽處盲昧謂不章貴人苟懸書里耳趨若狂聲華
既紛紛舉止皆翺翔誰辯莠言賤王風久已亡予也感行
牘流覽中心傷丈夫不努力飽食寄丹黃意當恣擴清掄
抑滿道傍一闕市意異鄙夫况高張微言不可續筆斷徒
風霜

結交古人重過情君子輕世降文爲事壇社競虛名張陳
聯窮巷蕭朱紛上京稱揚隨勢激意氣託聞聲嗟予察情
變念之中夜忤道契澹以穆德隣尚堅貞慮下識貴廓物
大類自精趣舍理有別豈爲浮華傾

南山玩石

新卷

山自北周南選勝情無數歷磴度風篁開襟觸此石石勢
狀以千我契在精魄軒翔烈士胸高邈神仙宅鮮露濯孤
稜雲根蕩靈澤下視水波漣爲此生清液寒飈自穴來坐
永消煩劇嗟哉湖中遊晝夜若奔繹

述懷

歷春方無事觀書感慨生古人不努力詎有身後名黽勉
慙二諱翱翔冀一鳴四十未云暮爲學羞縱橫終童繻早
棄馬公器晚成微尚各有託趨舍理難并

舉世急干祿小儒矜詞章爛然麗雲錦誰知大道亡絕學
恥非聖况以鶩荒唐所貴炳星日析義訖精茫董生蔽災

異王何繆老莊微言苟未絕岐路慎駟張

事變目前見無爲寄託遐議論關千載奈何趣自汗韋匡
不守正通經何用誇欽永美文學棄義如土苴節烈植天
性富貴本浮華生平既已失一事何能加鄙哉張茂先有
書三十車

荀彧事賊曹晚乃飭名迹嗣宗躬放達而暱司馬側旣爲
鳳皇姿胡不矯厲翼豈有騏驥德受羈于犬食辭婚善全
宗至慎巧叛國詠懷好詩詞能無自愧息

漢季紀綱失處士議以橫譏評生羽翼屢履屈公卿一朝
事勢極善類死堅貞太丘躬待獄臯青恥免名明哲豈不

貴義激身命輕禍機不可觸登仙何足榮異哉郭有道苟
全負友生

儒術非不尚守正良獨難經學在明行非以資伎奸雲劍
惜不遂貢冠何足彈馬融躬作奏鄙哉邕一歎衣冠一時
偉質鷗而羽鸞予也慕氣烈攬事求內安流漣范滂傳中
夜推心肝

魏晉賤守節頑飢稱通人爲文事靡麗誰能窺道真六代
一元亮邈焉至德鄰讀書非不解恥爲詞章淪賦詩時見
志縱酒亦還醇尊聖契經理狂歌不厭貧達生寓自祭深
懷記避秦劉宋何能屈陶然漉葛巾

子房尚術數守正非其宜太子幾數易高臥不能規成功
歸四皓君臣故詭隨碌碌蕭與曹名節安所知我故重叔
孫今也匪面欺

漢宣矜法術流失任刑餘始事倣微忽積漸何能除孫程
肇極勢賢人溺載胥一朝奄孽盡國社且爲墟往事有如
此觀來實可歎

任俠道所棄朱家行類儒人親僵在地原涉廢飲餽我獨
悲今世意氣輕若銖生平非不慕搖手布艱虞一朝士有
急叩門邈羗談笑有伏發陷阱塞當塗所以大度士結
交空躊躇

相如射財利竊婦良不取得志還成都縣令躬負矢詞賦
工詭奇駟馬何足齒嚴助仇友婿主父勢相倚賤貧意氣
卑富貴誇戚里大道忘寒炎達識齊通否衣錦世所榮無
爲君子鄙

先民尚風流志士羞猥黷我悲典午人意識卑于竇名理
各罪微貪鄙相馳逐黨賊蹴聲華植財釀駢僂江左多儁
才逸少非碌碌如何宣勝遊徒爲慕金谷

憑高物所忌難居實盛名碌碌遺世譏同類稱浩英我儀
謝安石功名匪倖成雅量函恥垢鎮物矯中情古人審材
分出處良不輕如何臨事任遂以失生平卓哉李固書終

當羞黃瓊

六經治之不聞貴和戎魏絳權一時陋轍古今同帝女
匹稱馬上雄漢文謹備邊空思頗牧風金錢不殺
敵乃以靡鄧通

南京聞易曦侯

道暹

罵賊死

憶昔泊荻港適有黃州船心擬此船中曦侯或在焉曦侯
亦指予問名良復然夜半猶沽酒高談驚客眠秦淮一月
聚古今皆窮穿是時射策者四方多名賢時時來覓我相
見出奇篇曦侯對我嘆就流物理然慎子震矜意一善俾
終全每感良友規誦之中心鐫自君別我去闊晤已三年

懸慙憑尺素，懸邈悵山川。豈知君死賊，遽有義聲傳。君無
一命寄君無，百城專屹屹。窮歲月，閉廬絕市塵。著書已滿
屋，次第國門懸。奄忽遭焚掠，貫條索金錢。謂君名下士，何
難質萬千。君前爲致說，解甲使歸田。賊怒不可通，君論自
便便。言窮益激厲，髮指目睛圓。大罵死狗奴，爾罪已通天。
卽予老秃翁，何恤須臾延。頭可一刻斷，氣常萬古鮮。我也
念疇昔，五岳崩胸前。骨硬不在朝，死綬不在邊。區區徒步
士，爭此一髮牽。招魂空江上，淚落如流泉。

哭韓姬命

如瓊

姬命天下士，我交自班荆。先時陳士業，屢道君姓名。及予

既見君爲復盡生平君亦素矜負許我命世英晨過忘日
入宵談亂雞聲出君夙昔著忒我細彈評辨論準先聖詞
賦儼三京年僅踰四十已癸千秋鏗念君別我日感君拜
母情期予更聚首尊酒卽同傾豈意成永別萬里悲風生
夢中路已杳雅唱誰爲賡自此腹常痛寧勝西州行

練鄉勇

予至郡邑見軍容甚盛問之知練鄉勇也爲
作二首自注

古語豈不信消萌以建威北寇方猖獗南人早見幾一朝
嚴令下白日旌旗暉朝爲販菜傭暮已變征衣虎視四百
人出入誰敢譏吾方事殺賊供億何能違殺賊會有時爾
民且忍饑

舊營非無兵府亦役健壯何如更選士不戰使創我聞
逐賊師老弱匱轉餉馳騁梁楚郊賊來不敢抗過掠虐貧
民氣驕陵主將官兵終驛騷鄉勇新跌宕古人驅市人披
靡隨所向今匪素拊楮信以死長上里胥日催督閭閻相
耀誑兵怒不可通塗膏飭資仗區區賦幾何歲亦五千兩
過茅山乾元觀喜晤張受先采時仲馭暫歸不值
五月登茅峯林風發寒澍入門各爲驚披衣道情素慙懃
感舊跡慷慨悲當路承學四五人趨陪淡朝暮山空茗氣
清靜觀生深悟誰因驗物理俄頃判離聚我友契風雲嬰
心非塵務悵然臨石門相期不相遇

九月寄劉伯宗

楊雄四十餘乃始獻辭賦公孫已皓首罷第還徒步爾我
感盛年上書各不遇驚轡驥垂頭鷄翔鳳在茲物或使之
然趨舍貴自寤東臯有薄田適豁我情素揮手謝同遊呼
童理耕具畜琴不能彈攤書敢云註所願歲常稔釀熟歡
親故子才爲世希子時未爲暮毋爲事在苒軒張悲岐路
出處不可齊慷慨聊一布

悼吳門

有序

悼吳門者悼文相國湛持

震孟

姚學士現聞

希孟

之亡也兩先生爲時綱維今夏先後繼沒天下傷

之而予不佞尤有深感焉綴以二詩

相國信公裔大庭遭復同金閨十五載凜冽標清風一朝
遘爰立身通道復窮時方工謠詠安能久置公去國懷明
聖憂心日忡忡黯淡吳閫邑悽涼象緯中斯人不可作世
已摧華嵩

吾悲姚夫子龍門世所稀秉道甚嫉邪懿好篤緇衣侃侃
立虎觀矚然生清威身殆復遭遇旋轉仗先幾時方仰作
楫道與命相違愴惻傷君子誰惜太陽微

寄徐虞求

石麟

先生南京

徐公千載入密識本精練秉銓類毛玠清風播區縣留滯

故陪京驚發非所羨憂國日瞿瞿接士忘踈賤大義每見
申微懷自此見予也感交禰意氣彌繾綣投書達惻愴千
里匪趨緬

病起逢立秋時六月十六日寓吳子舍 文英 齋中

自我十載來茲辰紛馳逐今月憩高齋桐陰恣幽肅名理
喜縱橫疑義欣往復深勞從靜生極楚攻積伏所恃意氣
親沈疴卷堅族况復觸新爽微雨蕩炎熇秋來方未央客
駕戒星夙錢塘濤已增天目氣富蓄山海覽無窮眷言仍
昔病

陳定生 貞慧 見顧賦贈

爾從荆谿來視我虎丘麓木落紛庭堦烟青覆一屋聞子
日暈勉閉門耽頌讀穿貫古人書批導義理族以茲懷抱
深相對氣幽肅顧我事遊涉十年空碌碌抗志未一酬臨
文自慚慙天空釀氣清持以宣積蓄感歎各忘言乾坤澄
雙目

朱雲子 隗葉聖野 粟華方雷 清集佛慧菴用慧字

虎丘山色佳况在秋冬際自我憩雲端勝友日來噬宣朝
自文心慙懃根道契英絕三君子委懷無沈替石坐烟冥
冥水際丹霞綴澹焉修一尊雲氣涵襟袂觴行度量分語
深慨感繫相期匪酒親懸燈明佛慧

京口行

前歲涉蕪江正值濟援師親見掠民船舟人亂受笞我時
甚憤嘆詰問主兵誰軍官前致說予也何能爲兵驕亦已
久紀律安所知勉強驅行役操東反見欺此語良不誣天
下事如斯今我蘇州來京口風帆宜白晝舟橫截焜焜耀
戈旗傷予未及死窮髮搜無遺圖書亡數篋衣裳去在笥
同日劫舟七六商一官司殺人至四五計失千萬貲長年
熟視嘆皆曰兵無疑盜來恃兵捕兵則避安之欲訴聽邈
邈誑匿非一時投鼠忌犯器戒勿厲言詞風波不可涉大
江變潢池寄語行估者慎各守家私

出門

我生空碌碌無歲不遠遊歲終計日月家居半未周性既
疾專固學復恥艱幽所冀四海濶庶幾道相求隣里守常
見妻子無遠謀謂予名已籍胡爲事沈浮大江鼉鼉嘯九
關虎豹啾何如教里閉營飽願易酬予也聞言歎趣發不
能休丈夫不得志安能守一丘江東有好友期我山陰舟
孔璋非入魏王粲豈依劉所願共揚推浩浩胸中流驅車
勿復顧擊櫂發清謳太史不窮涉文筆安得道

和顧子方

果有爲作

達節聖云難介性俗所擯舉世風草偃意氣誰獨振不恥

萬年卑殊傷元禮峻悲哉何靡靡疾雷不能震君子亦有
言道或惡其盡舍垢是爲君川澤納不吝所以勇者廉俛
首能屈藺亦有范通哲片語寤王濬守鈍非吾徒識時貴
傑俊毋徒美巷伯用壯壹不慎此身匪徒然小物何足殉

嘲熱客

程曉是篇當是有感之作予偶觸事戲爲此詩

溽暑避幽閨猶苦熱不支如何勤造謁尚望埃塵馳闌者
頻設難入者直達墀予也畏獄獄客且肅威儀予也憎嘈
嘈客益理言詞豈真藉長蔭忘其病夏籽振拂蠅不去揚
筵汗益滋炎炎豈足暱攘攘胡爾爲願言持冰鐵長與素

心期

和顧子方論交詩

大江日夜流浮雲觸石端
水流不別壑雲起何漫漫
一朝襲虛譽四海傾交歡
李郭肩相接王貢冠紛彈
君子恥其僞大道或未安
阜不同牛驥翔寧並鴟鸞
毋寧行踽踽乃有離羣歎
生平朋好多雅識結交難
柴桑徵素心武侯追析肝
持我徑寸意與君敦歲寒

同子方謁道南祠過東林廢跡

注在無錫

同展道南祠心傷東林址
東林何負國草生已及紀
不見崔魏時金碧連雲起
巍巍九千歲蓬蘽安所倚
萬古此東

林子無忘所始

寄定生子方

陳子起陽羨顧生鳴梁谿物分類以聚理淡聲亦齊自我
事交結四顧渺提攜出門冠蓋錯入室中心悽浮華滿天
地大道誰登躋悵悵不可託易面馳東西何當契二子交
呂而攀嵇激昂有同尚澄清志不睽相去邈千里慘澹河
流漸慙勤憑尺素感嘆浮雲迷富關號豺虎據津翔鯨鯢
幽薊困烽燧江淮震鼓鼙安能事摧廓况復雙眉低深山
足墳典荒田具藿藜誰當忘得喪卷焉守一畦吾道不可
訕我友自撥擠引領瞻天路眷言奮塗泥

寄仲馭兼致眉生

無士不足憂憂在斥疏賤世亂何用悲所歎聽舍駭一卒
感醉飽丙吉稱先見鄧尉寧多奇將軍肯受善今何縱
橫謀夫怯且惰不知兵在頸高步翔閣殿國恩三百年列
位服何炫謬謬誰能爭後先有同禪忠信豈必寤精能天
地變所願報聖明何辭遭誅譴茆嶺雲亭亭敬亭清且衍
一飯敢忘君匪以資善卷

除夕前一日子方遣信至并得定生書却寄

深山多寒林親人餘鳥雀損書及遠人如自雲中落緘窮
感慨增英詞何憤薄所悲大道荒長痛士氣弱吾皇自神

武鄙夫徒枘鑿郊壘恥者誰近畿况列幕蹇予雖區區言之中心灼尺寸未能乘飲嗟而食悞微勇曾以存連奮秦

引卻茫茫天地閒意氣徒雙託願一馳軍死寧甘老溝壑

池陽郡齋集桐城諸子分韻一東注郡齋今稱樓山寓堂

雅頌不可作周道今已東我生困行墨憂思日忡忡自結

諸君子寄託有微同涉江紛射策文筆凌蒼穹杯酒適相

造持以宣素棕馳驅滿皇路誰能煽道風願各厲秋翻飛

揚氣獨雄毋為聚今夕而忘起沛豐

贈答何次德亮功

京邑盛軒蓋出門畏途泥閉戶復懷人中心奔驥馳造我

忘晨夕好我慰渴飢俯視四海內發言含涕洟湯湯周道
濶蹙蹙安所依天懷多憤烈寧顧稻粱資子才秀區城子
志抱艱危羞稱牀下戒而恥對麟詞悲哉當塗子徘徊悵
路岐

贈答周農夫

岐

桐城方密之才自域中秀時時道農夫譬之草木臭農夫
亦好我發匣傾相授昨歲飲三左歌成落星宿今年集池
陽短章亦雷走才華天所豐智略性輻輳披褐溷都城而
慎中懷守大道知者稀高名俗必詬誰能親德鄰婚媾而
匪寇願各秉素心忘我飭固陋

早春野眺

出門喜新霽遙山來婉轉春風生輕烟草色滋新軟高柳
鳥初啼下抱河流淺獨步憺忘歸引覽恣舒展

江行

早發清溪口暮宿紫沙洲西風拍巨浪中流不得休顧我
忘夷險經年任沈浮推蓬看明月獨酌生清謳

何以

何以使兵消莫如加派輟何以使賊平莫如官兵撤不見
十年來請兵日不絕兵多賊亦多未見一賊滅賊去兵肆
掠賊來兵不截撫軍飭亞臯鎮帥類繁躡塘報習爲欺上

下徒牽掣終年庚癸呼竭盡民膏血
皇上至神武羣臣亦憂懍事勢久凌遲相戒有卷舌雖我
懷區區天遠何能說

有客

有客至金陵爲道江南樂予言未及對歎息已閒作米石
近十千積錢祇葉薄民已罄產資官不信劑約徂冬歷飢
寒入夏蒸炎熇蝗旱繼疾疫積屍委溝壑賣女懼不售剖
兒忍置鑊零星秦淮遊管絃久蕭索羣盜遍江湖伏戎在
城郭紀法安足親上下徒羈絡額軍八九萬空籍閒老弱
况復癸庚呼重以營帥削計部傾沈沈司馬嘗臥閣持斧

相上生集 卷二十一 三
第逡巡爲郎恣戲謔巍然帝者都處堂咸燕雀自我廿年
來感事傷今昨大厦誰能支微生鮮所託揖客歸且休飲
嗟而寤粵

皇華來

貴客皇華來肅衣予往視寒暄未及終揮淚不能止自出
大明門人命卽蜉蝣父老未見聞書傳定足紀積歲兵與
飢况兼疾疫死山左數十州一暮已罷市菜色滿四郊相
率溝中委剝齒與僂生殘忍甘父子歷邑鮮人烟縣宰但
步履乘傳驛無夫買殮得滓喜所在盡崔苻盜賊彌千里
結隊不能行納貲過行李巍巍相君尊千金敢牾牴獄獄

驄馬者五百先拱俟閒關歷艱辛魂魄非所倚渡河幸及
淮餘生庶足恃江南雖奇荒猶然去倍屣痛定念前經寤
中亦數起誰謂金臺高寧飲石頭水秦蜀久破殘襄雒新
陷燬叙運息何時戰爭懼方始性命苟全難咄哉希廡仕

當塗贈吳宣伯

韓起明府

十載來青山驅車恐不速今茲歷郊疇氤氳滿郭屋公自
起金閨嘉藻被南服製錦美且鮮了解迎窾族種樹蹊忘
言揮弦意嘗蓄何知祝與詛但聞稱顧復嗟我汗漫游道
聲泱昔夙誦藝切誼譚况聆琴音肅過君類安邑清風澹
以穆

朝發

朝發上新河輕舟聽一葉暮宿和尚港南風迴歸揖冥烟
拂臯林白波天際接變態易險夷翻覆疾眉睫去去渺難
期多畏生久涉

昨我行都市豺虎攫人食今我宿空江鼃鼃狎柁側有友
罹駭機性命實逼仄豈不壯買彪誰能效陳實鴻飛不可
爲澤藪已布弋吾生亦有天無爲徒惕息

金吾貴且倨生平雅識面晝夜承持揮搏擊如風電一朝
戒旗卒微行通情繼生爲貴人非疾驅出都甸異哉雄萬
人而忌匹夫賤湯湯周道濶舉步觸繒網逝矣信洪流茲

行擇奧衍

寧南檄

哥舒拒思禮奇計不及爲懷光深怏怏誅杞亦借之一朝
事勢類號義江上師火雲變行陣風霜挾言詞安知投器
忌貴在快一時予也寡先識徬徨中夜思功成難可受天
蹶誰能支刺虎乘俱敝利漁視兩持諸君幸努力無爲驅
除資

袁紹奮誅卓卓燔漢不祀劉裕起討玄玄殪晉亦圯國家
遭百六二患相轉徙詎意周道東鹿馬復貿指武昌揮義
戈旌甲蔽江水但願君側清安知前路止深山讀路檄歎

慨蹶然起銷兵詎有時所憂難不已誰覩于未然炯鑑昭
前史

樓山堂集第二十二卷畢

樓山堂集第二十三卷

貴池吳應箕著

詩

七言古

吁嗟行

吁嗟我生二十餘學書學劍空踟躕前年上策不得報今
年流落復如初先人有屋遭焚棄况無薄田可耘鋤父老
謂我方盛壯且復低眉穿魯魚丈夫要當立天地區區不
用早瓊瑤君不見昔人寂寂愧鄧禹至今身名等丘墟吁
嗟我生二十餘

婆護歌

注婆護與父小字

伯宗佳兒甫九齡能誦伯宗詩併能誦余詩且呼

余伯也因許贈以長篇伯宗亦許代報焉

上帝之居何突絕中有散吏多宕跌乘龍每下人閒世
人往往詫宿哲劉也與吳相提挈猶記帝庭同蹙蹙乃知
今得忝詞場爲是清班曾占竊我嘗執此傲風塵佳兒難
得如星辰不知真宰何以不解忌劉也乃復挺此石麒麟
嗟爾磨兒齡甫九疎眉玉映氣如吼腹笥已儲典午前唐
詩小誦數百首謂此塾師能授之不分遂解家色絲卽如
庭趨頓阿好野鶩奚其更不遺對禽辨李羞早智磔鼠鑄

雞了不啻杜老題詩故自寬陶翁飲酒應來啣矧予自許
斯慧業好美茲辰未識字我與伯宗稱雁行少年郡國早
知名吳氏世寧有季子卽看歆向已輸卿他年善奮垂天
翻無負今時呼我伯顧我豈緣藻麗盟遡源元共神仙籍
嗚呼佳兒九歲解知詩得詩向父亟呼奇自言不審瑤華
報卽煩爾父代爾爲

客有示予文文山字卷者筆勢生動蓋真蹟也其詩
爲過平原吊顏魯公七言古予覽而感之

山窗寒月景幽艱與客評書一放顏開卷尺許氣生動圖
窮款識文文山憶昔少時負書癖典裘購得先生籍中夜

起讀不能眠一讀一泪摧魂魄平原古風奇之奇生恨魯
公不同時未減希烈罵盧杞日月慘澹天地悲此詩不下
杜工部豈期書學更過之筆力要與爭坐絜點畫撇捺皆
精血拂拂十指有同符吉水之帶常山舌世稱忠義略詩
字意謂區區非所屑逢比不聞工六法芝繇那必敦三節
先生一身備數器浩氣發舒皆擅絕嗚呼此卷真擅絕

蘇州行

蘇州古俠死已久墓傍春草年年茂萬載流風自足存如
今奮椎又屠狗諸生大哭軍門前百姓呼號奮徒手須臾
縱騎鳥獸奔天子之詔吾何有爾時官長汗浹背繆臣

夜半單舸走民間訛言屠一城聖人憫亂殲渠首嗚呼天
下幾蘇州嗚呼五人名不朽

悲東苑

東苑袁公平臺對自言滅五載內天子暫釋拊髀思
九塞一時增敵愾予也感事竊致疑兵者呼吸難豫期平
羌未聞數反覆高平何人能主持豈知今已入口疾走
大梁君何有擁師不復一矢遺夜半子反已中酒道路喧
譁不可聽懷光卒恐負朝廷宮中聖人調兵食東市頃刻
已行刑嗚呼東苑真可哀三錫永安在哉百萬生靈售
一命眼前富貴直蒿萊丈夫殺身何足恤要使功名垂竹

帛楊鎬熊王等死耳何如當年屍裹革汝蕤旣斬守謙誅
仇鸞不復矢一雛卽令跋扈將軍死上國何人更逐胡獨
使至尊憂社稷卿大夫恥胡爲乎

相公墩有千葉榴花二株花時甚盛因念其始植之
日爲作此

舊時榴本大如指親見老僧植庭際距今十載人未改雙
樹已作雲霞勢火齊粒粒向人吐交枝接葉紛相舞偃蹇
新荷尙帶泥三月桃花葉如土此時此花好顏色守宮血
綻佳人輔丹砂含露未全傾解辦鮮明日停午有時烟霧
晝冥冥萬尺珊瑚碎作雨近聞京口茜如金染得紅裙那

能賄人家園子費萬緡移花購樹鬪嬋娟此花絕艷無知
者寄置空門年復年出塞王嬙比不得入道宮人倍可憐
湖中水起一色天爛熳花枝景欲燃我欲拈花同一笑不
知榴是九臺蓮

報仇行贈黔中陸生

灌夫一戟馳吳壁手殺父仇軍辟易至今萬載鬚眉生乃
有陸生稱嗷嗷生視灌夫難之難爲奴季布歷開關左手
殺仇露血亦右手挈弟俾生還此時帥府煽爲虐生陳大
義趨鼎鑊精變日月天地動逡巡亦使豺聲卻世間忠孝
久陸沈左衽冠裳已見今侍中之血常山舌爲之異地歎

盍簪嗚呼世有陸生而後有人心

集藍園贈兩吳

于舍去非也

丹山園子木之涓水出亭空深且漪主人醉客日欲暮高
樹雲停清風披我來十日耽遊涉性情直與川雲淡世閒
好友傾人命无復淪連動心脇布心不聞譚名理雲機那
能爭氣烈以茲二子未徒然缸盡膏殘見冰雪古藤垂蔓
露欲稀深簷瓦白烏亂啼更闌月已窺人甚何處鐘聲送
客歸

吳去塵

抄

寄詩

西湖并所製墨

故人念我湖之濱貽書一握道艱辛墨光置錦護青旻七

言不盡聲隱麟霜風昨夜發西泠紅樹曉起炤東鄰我欲
持之還相贈安得詩工爾不貧

王侯歌

有序

參憲王達卿

建和

先生于里中營野鑿池池固有

石鑿成而石出蔽亦大避象軀小攤鵠翮奇形詭
狀不可殫述先生樂焉構亭其上既自爲記又以
頌使予書之因贈

王侯解政遂初服竹里深山成野築鑿池池開石露頰先
生趣之窮根族須臾池深石益見玉筍新班驚鏃鏃衆工
舉希不能停要使形態窮剔剔引泉灌之方鑑開巖壑居

然倒一幅奔視駭獸俯側見兔起鵲落相倚伏厥狀窈窕
不可名蕩漾一勺生王屋此石塵土千萬年一朝振衣出
新沐孫陽不遇驥垂耳荆寶誰知光在璞此池此石如有
待就流物理根昔夙豪家園子假妝成卷石不惜輦金鬻
太湖靈壁位置奇何如此石天然蘊先生之貞介如石自
謂此心池可掬撫石臨流日賦詩翳然作想寧豪濮永嘉
石門但在官會亭禊事空馳逐誰其題者林下人墨光映
水生紋穀先生之樂樂未央我欲爲先生歌淇澳

食土行

有序

同伯宗作

崇禎丙子歲歉穰爲甚予在南都休寧人有言其

鄉土可食者貧民恃以生問所起則神指也予疑
之今年丁丑正月去予鄉數十里中皆謂神開土
倉掘食者日以萬計其土出凡數處赤白異色予
取嘗則固土也因感而爲詩

自古不聞天雨粟歲饑依然米如玉中原數載寇披猖東
南征輸日濕束以茲下邑民嗷嗷斗穀千錢猶未足徽州
有土茯苓色云曰神授人爭食通都聞之信疑半予也攬
塊增悽惻豈知土亦出予鄉白色壘壘如截肪有時渥丹
開斑駁要使負戴日踉蹌東家老嫗先懸釜西隣幼子如
搏曉共言不復泥滋味食之不飢充稻梁萬物生死皆以

土不信土可實腸腑縱使大塊欲生人何如五穀不禁取
草根糠粃豈有殊緩死須臾土敢吐嗚呼土倉土倉漫歌
舞有土不能輸官府漢庭有詔賜蠲租爲言更及食土苦

悲安慶

嗚呼安慶與我隔一水羣盜三年今兩止前年潛山太湖
破今年刮地遭誅燬石牌元旦一炬焦練潭燈前齒橫倚
窮邨鉅鎮無完家戟兒剖婦如羊豕桐城斗大區區閒懸
馬不墜如卵累賊強馬飽風雨疾我兵不敢加一矢陪京
援師望不來尚方依然賜督理此時天子方宵衣那知
此戶縱橫死置郡已近三百年烟火不絕千餘里詎今垣

屋成丘墟多壘四郊誰共恥更聞楚賊來蹂躪累然者皖
將何抵卽使郡國有龔黃赤地枯骸那可起嗚呼安慶可
悲悲已矣君住江南且莫喜河北賊滅會有時今日江南
吾安恃法石牌練潭安慶地名

與周仲馭

本朝空同死百年文章寂寂生寒烟後有王李爭氣象各
成亦與日月懸邇來文士好輕薄區區那必過前賢公安
竟陵亦已矣耳食至今猶沸然作詩斷自元和後爲文不
識黃初前我友起家未三十紅顏抗疏早歸田一朝手攤
千萬卷茅峰掩關絕市廛心悲大聖微言絕要于理義費

窮研又嘉賈誼通國體努力一掃風雲篇新詩慷慨生哀
歎有時靜好亦娟娟同時太倉張太史下筆頃刻布蠅卷
華亭陳子工作賦宣城沈生書翩翩吾邑公幹有逸氣吳
門楊雄獨草玄吾曹兄弟尚六七眼前窮達相後先今者
著作吾推爾老成波瀾見大編君不見功名富貴吾自有
丈夫要令千秋萬世書可傳

注太倉張公溥華亭陳公
子龍宣城沈公壽民吳門楊

公廷樞吾邑公幹劉徵君城也

讀少京兆徐公救鄭司寇下獄疏有感

注徐公石
麒鄭公三俊

善人在患不及養此語至今足三歎今年鄭公忽下理聞
之令人摧心肝丞相可以排閭闔豈無截業惠文冠道途

謹諱不可聽乃有京兆呼雲端叔向不信樂王鮒慶忌頭
血難前沈大臣榮辱關國體區區豈必問交歡君不見長
安卿相多慎嘿言者何爲不愛官絳灌沮誼誼自哭此道
今人徒曼曼

耕田苦

耕田苦耕田苦插秧三月今無雨吳中水利半人工十里
九見翻車舞一車灌田畝二三一車用力入六五水田高
下不相及置車銜接凡數部盡日屏水水盈寸南風復吹
作乾土戮力安知晝還夜赤體相對子與父下濕上炎背
欲裂前呼後和聲邪許水非石鑽索非鋸乃有輓轡生步

武東南歲輸四百萬那知粒粒出脛股桔槔幸有古人師
不然滿原成薄鹵豈無梁肉厭廝養豈無絲縞多商賈牙
檣錦纜何喧譁調笙理瑟半僧馭世閒萬事苦樂均不信
但有耕田鹵嗚呼耕田之苦難比數有苦不聞動官府中
原鋤耰化爲兵下邑催徵猶如虎十日不雨可奈何黍稷
安能飭簋簠作歌我亦操豚蹄不及詩人笑原廩

大旱歌

丙子酷熱江河枯父老皆云廿載無今年不雨已三月入
秋赤日團平蕪驕陽亢暴不可制土龍矯天胡爲乎十家
農夫九家哭長官坐嘆空躊躇若使原田盡燬裂東南歲

頰何能輸只今帶甲滿天地忍見民窮吏復呼仰睇雲漢
予太息安得一夕倒天吳不然移此于冬日寒者可使長
無襦寒者可使長無襦其如飢者食無爨

涇上行贈顧子方

涇上者誰顧子方眉間將相氣蒼茫讀書萬卷苦不足新
詩走筆風泱泱招我六月出秋浦長榻空堂相對語酒酣
夜半自起歎不恨今人不見古心嘉賈誼非腐儒有組志
在繫單于生憎丞相身負國折檻朱遊殿上呼以茲憑弔
感今世寇燹中原 矚蒯豈無肉食謀者鄙丈夫低頭猶
角藝家有黨名四十年中間日月再翹天元佑紹聖何翻

覆吾道危如一髮牽自傷致身苦不早坐令掄抑伏滿道
大笑生乃與噲伍箕乎幸爾有同好土橋班荆語未終虎
阜高談生悲風酬唱不知三歲近心期直與萬古窮長事
袁絲弟仲孺顧我敢謂雙棲雄嗟我馬齒十年長上書七
次空鹵莽虛名那能竝顧廚眼前謂爾獨倔強文章小道
何足陳伸毫拂紙舍悲辛會須從此棄柔翰直驅霄漢爭
嶙嶮君不見錫山道南已不朽天地生人必有耦且令大
雅自君還富貴其于爾何有

悲苕溪

仗夫蓋棺論卽定林甫章惇無百年袁州四明俱已矣太

倉南樂今怫然若溪若溪多悲風四海何人肯貸公南北
烽烟猶不息 聖明日月政當空賈董何嘗負經術區區
子衿胡不容嗚呼若溪多悲風

陽羨歌爲陳其年

維崧作

定生有子年十三神明秀澈映秋潭不知胸中何所似下
筆頃刻布雲嵐我來十日九課藝尺幅無多時異勢步驟
三日罄王良撤席吾將避其銳願爾讀遍世閒書賦才不
獨似相如我聞義興多往傑斬蛟伐虎聲烈烈後有進士
吳師古慕義猶將疏草揭卽如爾祖宮保公歸來前後雷
高風男兒生當學賢聖况有文筆開鴻濛我歌陽羨今贈

爾直羨爾父有是子覓粟不生彭澤歎明年已似我長矣
初隼欲擊驥出塵嶄然頭角看嶙峋君不見陽羨紆拖日
滿市爾曹豈是區區人

漁隱圖爲陳青谿 貞達 水部題

青谿小草今復出何爲先作漁隱圖紫衣小艇坐秋水釣
竿直欲拂珊瑚我聞義興富山水淪漣碧色兩溪俱顧君
豈是真漁人承明直造心江湖展圖顧影時自笑高堂波
浪生菰蘆青谿可向此中呼我欲從之賦邛須只今帶甲
滿天地中流擊楫誰躊躇安得澄清四海後與君共釣南

山隅

丹陽道

曉發丹陽道，蝗蟲飛蔽天。暮宿句容邸，斗米錢半千。行坐皆聞人歎息，言之直使我心惻。富家無租要納糧，貧者勤耕不得食。近畿六邑盡蕭條，江北紅巾甲未銷。幾處無家寡婦哭，幾方征調官兵囂。平臺聖人近，召對諤諤詞。臣徒盡誨河南矯，發誰犯顏淮西不聞身。請載願以所懷動至尊，眼前遮日浮雲昏。明朝驅車秣陵去，愁見寒原野外邨。

折檻行 有序

南京成寶慈勇侍御以言事被逮友人周仲馭陳

定生顧子方梅朗三明中麻孟璿三衛沈眉生期

予祖之京口予遠不及赴因作此往老杜曾有此行也

本朝列聖容直臣未見臺省長批鱗大禮大獄杖且死郎部翰林爭嶙峋居升旣戮張英盡謬謬者誰如星辰成公感事獨發憤報國直當捐一身杜陵小吏尚如此况服獬豸甘遠巡臨風爲謝諸君意叩頭流血久無辛

苦寒行

二十餘旬不見雨遍地江湖成赭土一朝風雪壓城頭擁絮無能窺數武臺檄紛然筆墨催諸生踉蹌試大府眼前

見誰露頭角嗟爾塗泥沒脛股

昨聞騎薄黃河軍書斷絕一月過應知士卒指盡墮誰
惜將軍髣雙鱗北風直北無時息寒似江南十倍多即使
江南無衣死強如比屋死于戈

方密之

以智

畫天柱峰圖相贈作此還答

我聞天柱之峰高百仞虧蔽日月槩星辰精靈下降有方
子筆力要與爭嶙峋一朝作圖來贈我意象髣髴含蒼旻
嗚呼方子何奇傑世閒好事都精絕學書直造王右軍作
詩欲與工部絜棄爲小道云偶耳我曹立身有大節此時
四海盡烟埃鉤黨纒寬騎來南京狐狸號不息燕雲關

塞已全摧平羌無人朱遊死誰能諤諤評平臺卻重君家
有名虎三湘七澤藉安堵憐君表餌未能售顧我何人假
毛羽卽今相遇市塵中夜半酒酣共起舞寫圖况我何敢
當振衣者誰君在岡安得從君排闥闔手扶雲漢掃欃槍
不然挂此一幅日相對愧我雖有素壁非高堂

我來行贈侯朝宗

方域

我來秦淮五月終於時佳士已雲集就中朝宗年最少四
海心知但一揖文章詩賦無不工下筆雷合風雨翕三朝
舊事久沉疆爾復精心爲理輯眼前關茸何忍見從風草
靡誰獨立畿南已作戎馬郊江北蒿萊滿郭邑反書日達

司馬門丞相充耳何能入列位喑啞道路日拱手新叅仰
呼吸吾皇神聖試共鯨汰隄那知不可及嗚呼朝宗何
愚哉李蔡爲人下中才心肝勸莫學逢比詞賦何必儼鄒
枚直須不聞天下事拱嘿閑復雜談諧如此低眉但數載
眼看富貴立崔嵬君不見似我倔彊還如此於懸於懸今
復來

無雞行 有序

陳士業 弘緒 自北來爲予言 躡畿輔其未到州

邑卽邨落有雞者皆自殺之蓋官軍聞有雞聲處
必行抄掠其暴甚也故人家數百里無雞陳時

爲晉州守所目見者予感而作此

陳生酒酣慷慨泣爲言 去年入督師盧公已死殺觀

容高監兵難緝撫軍白谷號能師所過猶然騷郭邑 過

猶可兵殺我兵勢燎原烈於火入室那知他人妻掠不何

惜道傷羸 去邨烟未盡墟兵來十室九家播有籬立撲

不使聲此聲不惡能致兵幾州籬落寂停午幾家板扉晨

不明可憐畿輔化僑後數百里中絕吠鳴晉州城外無雞

啼濟南城裏草萋萋棘門霸上徒見戲將軍有令久不知

若使一人能辦此何爲四海盡潢池

任丘行 有序

丁郎中耀遇仕丘得不死歸言其事因作是行

丁郎奉使至任丘是時馬風雨至任令倉皇設城守鄉
官一錢不肯出須臾四野盡烽燿未薄城民已貳可憐
城陷肆焚掠出入縱橫皆異類官廨烟消一夕中曾沈
沈居甲第金帛刮土窮搜求婦女比屋恣淫戲老弱誅死
丁壯械累累相牽同起寐蛾眉從不識羞曉妝猶然施
粉翠曾居侈然有主臣會飲席地羅金器有時會獵復一
出貂帽短衣從數騎一繫郎至曾前叱使屈膝郎裂昔
問郎何人郎大言五品任官今奉使萬金買命無一文兵
在其頸者數次適有天幸郎不死赤體開關備顛顛歸來

慷慨向我陳 何能爲我自易嗚呼任丘小邑何足哀山
東藩國已蒿萊卽今 已飽颶去何道能令不復來己已
于公亦已矣樂陵小令安在哉

誦經行

西方妙道超空色 禍田利益渺難得 稍修其法了死生假
託往往藏姦慝 受戒嘗爲聚粟資 焚香偏使愚人惑 或言
劫火當盡燒 或稱再降有彌勒 勝國昔年起無爲 豈知後
來兆鼎革 近日山東來白蓮 掃陰大費師武力 乃知作賊
多誦經 未聞誦經可殺賊 督師揚公總六師 小醜何難滅
朝食不言兵法言佛法 亟請誦經奉 詔勅古人一言敵

氣生此舉豈不墮軍實若使賊聞必大笑空王何處行誅
殛臺諫那能痛哭爭大臣吁嗟相閱嘿予始聞言不敢信
及覽邸書增歎息桑門從此九重開鬼方何必三年克鳴
呼即使誦經安反側世閒豈有佛社稷紙上空言尚如此
何況有骨來西域君不見潮州刺史古錚錚又不見龍場
驛丞在正德

楊枝歌 有序

伎有某者從人近三十年夫死輒嫁勢家其事可
感也所從者曾與予交爲隱其名作楊枝歌

君莫癡君莫癡請君聽我歌楊枝君上將軍莽自負楊枝

纓作金銀絲解稱詩王臨池對人嘗恐不能知來禽青李
隨手帖黃絹色絲絕妙辭十五相從今四十白頭偕老不
須疑豈知將軍一旦死楊柳忽向他家垂將軍自昔教歌
舞黃金珠玉寵嬌姿今日楊枝飛絮去華堂冷落如茅茨
五侯驕奢橫勢力如花小婦夾墀墀粗毫那識謝與衛但
嗚楊枝今已衰楊枝嗶嗶不自得今夕何夕比當時侯家
富貴吾何有將軍恩愛空尋思嗟楊枝嗟楊枝水性空勞
不自持未幾踏作路傍落人生見此增感慨手折柳條棄
擲之丈夫意氣有時盡千金何必買蛾眉

答贈余澹心

懷

南京佳士如山積誰攬雲霓手自擘讀君文字嘆君詩風
神况在藐姑射我居秋浦萬山中一朝避亂浮家宅虛名
往往動都人負郭猶然錯履舄自傷潦倒風塵中心知逢
迎真無益假館君隔離落閤獨喜素心數晨夕贈我七言
覽未終白日空中走霆霹感我致身苦不早知我多憂嘗
腕搯卽今詩格久茅靡何幸得君掃巾幘相期于我何有
哉將母因此生羽翼

雒陽行

神祖昔年建儲苦不早于時言者棄官如輕草東宮旣立
王當封誰云母愛者子抱攬圖按籍狹魯衛帝曰無如河

南雒陽好卽今堯仁睦九族雒陽祭酒稱尊屬九杖未聞
賜吳楚礪帶藉爾表邴邴豈知賊至山河崩白頭老王遭
慘毒靈光一炬作烟消黃金滿屋等秋漂累累宦官屠羊
豕宮女如花逐絮飄天下聞之盡嗚邑九廟震驚至尊泣
爲問闔外誰督師丞相不聞請削袂朝臣痛哭那敢爭腹
大鞭長何能及去年賊已敗典安露布誇揚墨未乾練餉
已靡七百萬中原郭邑十九殘親王旣殺名藩陷楊相猶
能第一官嗚呼多壘不聞大夫恥舉國誰爲鬪伯比屈取
必敗請濟師今之肉食謀者鄙我悲雒陽悲未終又聞楚
客悲襄水

襄陽行

昔之襄陽攻千日平章猶然鬪蟋蟀今之上相親視師城
破不及朝食時瑪瑙山前無疋馬游墮名藩胡爲者要以
虛言動至尊禍遂罹于高帝之子孫方命圯族敢逃誅
一死猶將肆矯誣直使天下萬世之後從此盡喪其廉隅
嗚呼武陵楊相誠可哀忘親負國何愚哉清漳有士尚未
死豈知身已委蒿萊身委蒿萊亦已矣襄雒二主何以相
見于泉臺

薄命辭

妾薄命持君寵出身膏沐天下奉裂繒不博一時歡忍心

白骨成丘隴主恩既重災亦深紅顏掩面生悲恐君不見
武陵楊相公顧盼猶然一世雄高唐無復重相遇五年富
貴如飄風

妾薄命負君恩起自外庭承至尊如山珠玉苦不足人情
已作波瀾翻顏色未改君心變黃金不負陌頭魂君不見
韓城薛閣老一朝被逮身不保當時自顧傾城笑那知性
命等秋草

大雪五日矣旅中卽事偶憶歐陽公會客詩用其原

韻

自注其序曰玉月梨梅練絮白舞鵝鸞銀等事
皆請勿用

荒園枯枝未啓萼寒風怒號勢相薄三日雪下不肯休四

日五日復大作開窗飄灑冒几席瀾漫川原增寥廓出門
沒屐已及膝炫眼光痕畏閃爍當塗有友攜具來轟飲直
至燈花落酒酣氣震各慷慨陶然不異襲狐貉仰窺簷雷
吹不斷起看竹壓如搏攫更深客散晨鐘鳴但有空林喧
飢雀高臥不知午覺餘令來相招畏躡屩慰我旅况備苦
嚴我笑十年無此樂何以解醒不須酒松茗亟使敲冰淪
坐觀風濤狀滾滾直覺天地冥漠漠偶憶六一汝陰時墮
指猶能整柔絮禁物敢望前賢工詩成欲令後人喙

歐陽詩體又次東坡韻

目注序云歐陽公賦詩禁體

來四十年莫有繼者自蘇公至今則又五百餘年矣

空亭無人掃積葉我來十日五日雪寒風作威晝夜號一
朝瀰漫勢不絕極望川原已失迷低頭竹樹皆摧折出門
但覺人踪稀索米恒恐竈烟滅已無高士能僵眠幸有仙
令餽不掣客來攜壺共傾倒更深燭剪還生纈清歌紅袖
欲迴風高譚逆旅驚飛屑爛醉那知街鼓沈擁綿曙光驚
一瞥呼童炙硯爲題詩歐蘇千載無人說三寸不律最刻
嚴物狀誰敢犯冰鐵

歐陽體又用東坡次子由韻

自注序日仍不用皓白
潔素等字

晴陰何用灼靈龜今日大雪前日知寒雲起凍天地合嚴
風作勢晝夜吹飄灑無聲先歷亂少閒枯條如染髭衡宇

一汝變規制江城四面無流澌俯視坑谷平凹曲仰睇窳
堵失孤危茫茫空野直冥漠推窗細視裊游絲乃知造物
真難量此事豈關巧力爲夾徑脩竹垂欲折亭亭終不借
扶持袁安偃僵自天性那羨仙人姑射肌攜壺顛倒仗朋
友擁爐擬物羞女兒且喜入地螟蟻死占豐明年秋夏時
衝滑難儼幽人迹經戶誰窺高士帷但令閉門嚼冷冽夏
然不改冰雪姿一朝杲杲驚見睨滿眼炫瞀光瀾滴天半
蛾眉邈難卽當前濤勢生堦堦萬戶埃塵承浣濯建瓶直
使草木披屈指十日歲行盡歸騎還當帶溼馳吹笙伐鼓
吾何有柏齋辛盤倒瓦卮簡點詩篇禁體物志與古人相

追隨千載歐蘇敢再遇亦也何人是繼之

封侯行

男兒封侯在戰力此語令人增歎息國亡主死將軍封封
侯何須見一賊黃金有印大如斗不殺賊亦相逼嗚呼
朝廷所貴非爵邑區區意在安反側君不見昔人手搥天
子璽丞相如有驕主色

大風行簡周仲馭獄中

南京九月大風起木拔石走怒不已太平門外谷夜號玄
武湖水躍過几豺狼滿市攫人肉不知天變良有以華陽
先生整衣笑泰山崩前若無視昔賢相戒莫爲善區區豈

必達玄旨萬年嘗見天日清鳴琴聖人亦在理

樓山堂集第二十三卷畢